



მ ვ ყ ე მ ს ი


ოფიციალური განყოფილება საქართველოს საექსპანსიონოსის.

მიწერილობა ზალესტინის მართლ-მადიდებელი სასო-
კადოების თავსმჯდომარისა საქართველოს ექსპან-
სიონის, მთავარ-ეზისკოპოსისა ზალესტინადმი 9
იანვრიდან 1889 წ. № 56.

უწმიდესი სინოდის უქაზით ზალესტინის
მართლმადიდებელს სასოკადოებს, რომლის
თავს-მჯდომარეთ ძე თვი თონ ვარ, ნებადართუ-
ლი აქვს ყოველ წლებით ფული მოაგრო-
ვოს იმპერიის უველა ეკლესიებში ბზობის
დღეს. ეს ფულები, რომლებიც შეადგენენ სა-
სოკადოების უმთავრეს საშუალებას, ისრჯე-
ბა იერუსალიმში სკოლების შესანახავად, რომ-
ლებშიც იხრდება დღეს რვაასი მართლ-
მადიდებელი ბავშვი. გარდა ამისა უფლის
ცხოველ მეოფელის სასაფლავს თავანის
მცემლებზე რუსთავან ზრუნვამ მოითხოვა ასა-
ლი სასტუმროების აგება, და აგრეთვე გან-
საკუთრებითი დიდი შენობის აგება, ახალს
გახსნილს საჯვარო გზაზე, როგორც ერთად-

ერთს რუსეთისადმი კუთვნილს ადგილზე წმ.
ქალაქში, ადგილის ტაძრის მახლობლად. ამ
შენობების აღსაკებად საჭიროა დიდ ძალი
ფული.

რადგან ბზობის დღესასწაული მოახ-
ლოვდა, ამიტომ მოემართავ თქვენს მაღალ
ყოვლად უსამღვდელოესობას თხოვნითა, რა-
თა მოახდინოთ ხელახალივე განკარგულება
თქვენდამი რწმუნებულ ეპარქიაში, რომ ვეუ-
ლა მღვდელ-მოქმედების დროს ამ დღესას-
წაულზე 1889 წელსა შეკრიბონ ფულები,
თანხმად ჩემმიერ დამტკიცებულის და ამასთანა-
ვანვე წარმოდგენილის წესდებისა და აგრეთვე—
რადგან წარსულს წელში ძლიერ ცოტა შე-
კროვდა ამ გვარი შეწირულება, თქვენი მაღალ
ყოვლად უსამღვდელოესობა მიაქცევს უურა-
დლებას ამ გარემოებას და შთავაგონებთ თქვენ-
დამი რწმუნებულს სამღვდელოებას, რომ მათ
ფულების შეკრების დროს განუძარტონ მრევ-
ლთა როგორც მიხანი, აგრეთვე მნიშვნელობა
ამ სასოკადოების მოღვაწეობისა.



საჭირო შედარწმუნებანი ლანგართათვის, დაბეჭდილნი მოძღვრებანი და საუბარნი ხალხში უფალოდ დასარიკებლად იკზანება თქვენს სახელზე.

მივანდობ რა ჩემს თავს თქვენს ლოცვა კურთხევას, დაუშობი გულწრფელად თქვენდამი კეთილ-განწყობილი ს ე რ გ ე ი.

ზალესტინის მართლ-მადიდებელი საზოგადოების სასარგებლოდ იხობა დღეს გროვდება ფული შემდეგის წესით:

1) ამ შეწირულებათა შეკრება მღვდლებმა წინდაწინვე უნდა შეატყობინონ სამწყსოს ეპარქიალურ უწყებათა საშუალებით და მასთან უნდა გაავრცელონ ეპარქიაში, მოძღვრებანი, საუბრები და შედარწმუნებანი ლანგართათვის.

2) შეწირულებანი უნდა შეკრიბონ ეპისკოპოსების წინამძღვრებმა და სტაროსტებმა ბზობის დღესასწაულის ეველა მღვდელ-მო-

ქმედებაზე, წირვაზე, სასარგებლის წაკითხვის შემდეგ, ხოლო მწესრის და ცისკრის დროს შექვეყნე ფსალმუნის შემდეგ.

3) ერთი კვირის წინად ამ შეწირულებათა შეკრებამდე სასწესამ ქაღვების საშუალებით უნდა გაიგოს ამ შეწირულებათა მნიშვნელობა და მიზანი, გარდა ამისა ტაძრის კარებზე წინდაწინვე უნდა გაეკრას მოწოდება ამ შეწირულებათა შესახებ.

4) შეათედი ნაწილი ამ შეწირულებათა შეიძლება გადაეცეს ადგილობრივ სამრევლო სამსრუნველოთა სასარგებლოდ ანუ სამრევლო საქველმოქმედო საზოგადოებათა, თუ კი ესენი მოიაურებენ ამას.

ნამდვილია: მდიანის მაგიერ ი. კიკნაგელიძე.

შეკამოწმე: სტოლის უმფროსის მაგიერ მესხიევა.

შენიშვნა: ეს მიწერილობა იბეჭდება საქართველო—იმერეთის სინოდალნი კანტონის განკარგულებით საუურადღებოდ და სასელმძღვანელოდ საექსპარსოსოის სამღვდელ-მოათვის.



მწეპმსი

1883-1889

«მწეპმსი» გამომცემის თქვენი ორჯერ, ყოველი თვის თხუთმეტს და ოც-და-ათ რიცხვებში.

გ ა ზ ე თ ი ს ფ ა ს ი :

«მწეპმსი»		«მწეპმსი» რუსული გამოცემით	
12 თვეით 5 მან.	12 თვეით 6 მან.	6 — 3 —	6 — 4 —

გაზეთის ფუძის და ყოველ გვარი წერილების გაგზავნა შეიძლება ამ ადრესით: *вз Курьмы, Вн контору редакцїи „Мцѣпмсї“ (Пастырѣ).*

ყველა სტატიები და კორრესპონდენციები, რომელნიც რედაქციის იქნებიან გამოგზავნილი დასაბეჭდავად, უთუოდ გრცლად და გასაგებად უნდა იყვნენ ავტორთაგან ხელ-მოწერილი. ავტორთაგან გამოგზავნილი სტატიები შეიძლება ხან-დის-ხან შემოკლებით და შესწორებით დაიბეჭდონ.

სტატია, რომელნიც არ დაიბეჭდებიან, სამი თვის განმავლობაში შეიძლება ავტორებს მათის ხარჯით უკანვე დაებრუნოს.

სტატიები მიიღებიან რუსულ ენაზე დაწერილიც და თარგმნით დაიბეჭდებიან.

მუნ უმეზინა უიზისა, სადა იგი არა იყო უიზი. *)

(ფსალმუნი დათითა 13—5).

(ორ-ადგი სიტყვა დანახების და მედანახებების შესახებ)

წინა №-ში ჩვენ დაუმტკიცეთ მკითხველებს, რომ «დანახების» წერა არის საყოველთაო მოვლენა; რომ დანახები იწერებიან ყველგან და ყოველ ხალხში, სადაც კი უფროს-უმცროსობა არის, სადაც კი უძლურთან და სუსტთან ერთად ფარფარობს ძალა და ბატონობა, სადაც კი ჯერ ისე არ გადახალისებულა და არ შეცვლილა ცხოვრების წესები, რომ ცხარნი და მგელნი ერთად სძოდენ უშიშრად და ერთმანეთის მოუხრიდებლად. მხლა მხოლოდ მივაქცევთ მკითხველების ყურადღებას ამავე საგნის შესახებ დიდ პატივცემულის ძიების მიტროპოლიტის პლატონის მიერ წარმოთქმულ ბრძნულს მოსახრებათა, რომელ-

ნიც ჩვენ უბოვეთ მათი მეუფების ერთ წერილში სამწესოთადმი, რომელთაც იგი აფრთხილებს შესახებ დანახების წერისა და თან აძლევს მათ შესაფერ დარი გებას და შთაგონებას. აი ეს მოსახრებანი:

«ბევრჯელ მიმიღია ხელ-მოუწერელი წერილები სხვა-და-სხვა შინაარსისა: ზოგნი ბოროტებითა და ლანძღვითსავესენი, რომლებს წერა სირცხვილაცაა და ცოდვაც კეთილ კაცთათვის, განსაკუთრებით ქრისტიანეთათვის და ისიც არქიერისადმი; ზოგნი წრფელნი და უბრალონი შინაარსით, რომლებზედაც ყველას შეეძლო ხელი მოეწერა თამამად, მაგალითებ, იწერებიან, რომ უფრო იათად ჰყიდონ სეფისკერებიო და ზოგიერთს ეკლესიებში ადრე ასრულებდენ წირვებსო; ზოგნი, თითქო, კეთილ განზრახვითნი, რომლებშიაც იუწყებიან სხვა-და-სხვა ცნობებს ვაარქიისა და სამღვდლოების შესახებ, და რომლებზედაც მათ დამწერთუნდა მოეწერათ ხელი, როგორც დასამტკიცებლად, მისა, რაზედაც ისინი ლაპარაკობენ, აგრეთვე იმის-

*) იხ. «მწეპმსი»-ს № 3.



თვისაც, რომ მე, საჭიროებისა და გვარ, შემძლებო-
და მომეთხოვა მათგან საჭირო განმარტება მათი წე-
რილების შინაარსისა. ამბობენ, რომ ესრეთ წერი-
ლებს იღებენ სხვა პირებიცო, განსაკუთრებით—
უფროსები. ამიტომ მე ესთელი ჩემს მოძღვრულს
მოვალეობად ესთქვა რამოდენიმე სიტყვა შესაგონებ-
ლად მათდა, რომელნიც გზავნიან ესრეთ წერილებს და
სახელდობრ:

1) კანონი ამბობს, რომ «დაბეზლებითი, ხელ-
მოუწერელი და წიგნდებული წერილებისა გამო არა-
ვინ დანიშნოს გამ აძიებაო. მსრეთი წერილების მიძლე-
ბი ვალდებულია, წაუკითხვად მოსპოს ისინი, ან გა-
მოუცხადოს ამაზედ პოლიციას, ხოლო დაუსახლე-
ბელი დამწერი ესრეთას წერილისა, უკეთუ მას აღმოა-
ჩენს პოლიცია, ეძლევა სისხლის სამართალში (კრე-
ბა სჯულთა ტ. IX, V, ნაწ. 2, მუხ. 52). მაშა-
სადამე ვინც უგზავნის სხვებს უსახელო წერილებს,
იქცევა კანონის წინააღმდეგ, ამასთანავე სრულიად
აპაოდ და უსარგებლოდ, რადგან ამისთანა და-
ბეზლებითი წერილების გამო გამოძიება არ ინიშნება
და ისინი უნდა დარჩენ სრულიად უყურადღებოდ.

2) ვინც უგზავნის ხელ-მოუწერელს წერილებს
სხვებს და ამ გვარად მალავს, რომ ის არ არის მათი
დამწერი, ის აშკარად ამტკიცებს თავის სულმოკლე-
ობას— ვერ ბედავს თამამად გამოსთქვას ის, რაზედაც
სწერს და მოქმედებს უსინდისოდ და სწერს სიცრუ-
ეს: «რამეთუ რომელი ბოროტსა იქმს, ბრძანებს
მაცხოვარი, სძულს მას ნათელი და არა მოვალს ნა-
თელსა, რათა არა ემხილნენ საქმენი მისნი (იოან.
პ, 20), ვინაიდგან ბოროტ არიან იგინი». მაგრამ
პატიოსანი, კეთილმოზილი და მზნე კაცი თავამად
აღიარება სიმართლეს.

3) ვინც სხვას ლანძღავს ხელ-მოუწერელ წე-
რილში და თავს კი არ იჩენს, ის მიემზგავსება კაცს,
რომელიც სხვებს ესერის ტალახს და თვით კი იმა-
ლეა სადამე კუთხეში. ე. ი. იჩენს არა მარტო
სიფრთხალეს, არამედ თან ბოროტებას და სულის
სიმდაბლეს. ის იქცევა ძრისტეს სწავლის წინააღმდეგ,
რომელიც გვასწავებს, რომ არავინ არ განვიკითხოთ

და გავიცხოთ, და მოქმედებს იმ უსჯულოთაებრ,
რომელნიც, სიტყვისაებრ მოციქულისა, უფლებასა
შეუწრატხყოფენ; კანდიკნი და თავხედნი აჩიან. დიდ-
ბისათვისა არა ქსიძწიან, არამედ ჭგობენ მას, რაიცა არა
უწიან და არ ესმისთ (ბ. კათოლ. ზეტ. 2, 9—12).

4) ვიტყვი უმეტეს, ვინც უგზავნის სხვებს ხელ-
მოუწერელ ლანძღვითი წერილებს, ანუ თავის გამო-
უცხადებლად სწერს მათ გადასხეაფერებული ხელით
და აწერს მათ ხელს სხვისი მოგონილი სახელით და
მათში განგებ სიცრუეს ამბობს, ანუ გამოჰკავს ქეშ-
მარიტებათ ის, რაც თვითონ ნამდვილად არ იცას,
«იგინი მამისა ეშმაკისანი არიან».

5) თუ გსურს კეთილის განზრახვით შეატყო-
ბიო რამე სხვას, ანუ მიაქციო მისი ყურადღება მის-
სავე საკუთარს ცუდს საქმეზე, მაგრამ არ გინდა კი
მოხდეს ეს საჯაროდ, ამ შემთხვევაში მოიქეცი მცნე-
ბისა ებრ ქრისტესა, რომელიც გვიბრძანებს: «ხოლო
უკეთუ შეგცოდოს შენ ძმამან შენმან, მივედ და
ამხილე მასს, რა ეჟამ შენ და იგი ხოლო იყენეთ
მარტონი» (მათ. 18, 15). თუ შენ რაიმე მიზეზისა
გამო არ შეგიძლია ინახულო ის მოსალაპარაკებლად,
მისწერე მას წერილი—გულ ახდილად და კეთილ
განზრახვით, როგორც შენის ქრისტიანეს და ამასთანავე
სთხოვე მას ამ წერილშივე, რომ მან არ გაამჯღაფ-
ნოს შენი სახელი. არა მგონია, რომ ვინმემ იწყინოს
ესრეთი წერილი და არ აღასრულოს მან შენი თხოვნა.

6) რადგანაც მე მსურს ვიცოდე ყოველივე,
რაც კი ხდება ჩემდამო რწმუნებელი ეპარქიის სა-
სულიერო წოდებაში, რათა თავის დროზე შევიძლო
ვიხმარო საჭირო ზომები ბოროტების მოსასპობლად,
ამიტომ ესთხოვე ყველა კეთილ-საიმედო პირთა დაუ-
ფარავად მაცნობონ ყველაფერი, რასაც კი საჭიროდ
სთელიან ისინი ვიცოდე საკეთილოდ ეპარქიისა და
სამღვდელოებისა; მაგრამ შემატყობიონ მხოლოდ
ნამდვილი და სრული ცნობები ხელ-მოუწერელი წე-
რილებით კი არა, არამედ სრულის აღრესით, სადაც
აღნიშნონ წოდება, სახელი, გვარი და საცხოვრებელი
ბინა. ვარწმუნებთ, რომ არავის არ გაუშნელ მათ



სახელსა და გვარს. თუ მაინცა-და-მაინც სურთ, რომ მათი ვინაობა არავინ შეიტყუას, და აღვასრულებ და გავასწორებ ყოველივეს მათი ჩვენებისაებრ, რაც კი ჯეროვანი გამოძიების შემდეგ ნამდვილი აღმოჩნდება.

7) მანსაკუთრებით თქვენ, მღვდლებო და ბლანოჩანებო, უმახლობელესნო ჩემნო თანამშრომელნო ჩემს სამსახურში, ნუ დამიძალავთ მე მას, რაც უნდა ვიცოდე, როგორც მღვდელთ-მთავარმა შესახებ ეკლესიათა, კრებულთა და სამრევლოთა შესახებ, მაგრამ დაუფარავად მაცნობეთ ყველაფერი და არ იფიქროთ, რომ ამით რამე გვენოსთ თქვენ, ანუ სხვებს: ვინაიდან მე მსურს შევიტყო ჩემი ეპარქიის ავი და კარგი; მხოლოდ ბოროტების მოსასპობლად და არა ეისმის საწინებლად. პედაგოგი მომახსენეთ ხოლმე ჩვეულებრივი ხელ მოწერილი რაპორტებით არა უსახელო წერილებით, რომლებიც არცხვენენ ყველას, ვინც მათ სწერს და მით უმეტეს არ შეშვენის საზღვდლოთა, რადგან ამ წერილებში იხატება მზაკვრობა და ცხადი ცუდლოტობა, ხოლო სასულიერო პირნი უნდა იქცეოდნენ ყველაფერში, მაგალითისა ებრ მოციქულთა, კეთილ სინდისიერად და პატიოსნად, სიწრფოებითა და ჭეშმარიტებითა.

მთმცა ღრმად პატივცემული მიტროპოლიტი ღირსეულად აძაგებს და ჰკიცხავს მალულ «მედანოსეებს» სულმდაბლობისათვის და მშიშრობისათვის და ურჩევს მათ, რომ უსათუოდ თავიანთ «დანოსებზედ» ხელი მოაწერონ და ჭეშმარიტების ასახსნელად არავის შეუშინდენ და გამოჩენილად იმოქმედონ, მაგრამ ამავე დროს იგივე გამოცდილებით აღჭურვილი მწყემსთ-მთავარი გულით და სულით ეხვეწება ყველას, რომ მათ დაუფარავად და ეროცლად შეატყობინონ ყოველივე, რაც კი დაეხმარება მათ მეუფებას ბოროტ-მოქმედების აღმოსაფხვრელად და კეთილ წარსამატებლად ეპარქიის საქმეთა: სთხოვს მათ, რომ ამ გვარწერილობით ცნობებზედ თავისი სრული ადრესი მოაწერონ და თან ჰპირდებან მათ, რომ მათ ვინაობას იგი არ გამოაშკარავებს. აქედამ სჩანს, რომ დიდი პირებისათვის, როგორც ბრძანდება მიტროპოლიტი პლატონი და რომელს ხელ-ქვეით მოღვაწეობენ და

მსახურებენ მრავალნი დიდის უფლებებით და გავლენით აღჭურვილნი პირნი, აუცილებლად საჭირო ყოფილა წერილი ცნობები მის ხელქვეითებზედ, რათა ამით არ ჩაიდინონ მისდა გაუგებლად რაიმე ბოროტ-მოქმედებანი. მლონდ ხელი მოაწერეთო, — ბრძანებს მწყემსთ-მთავარი, ჯ შემატყობიეთ ყოველივე — მხოლოდ მართალი კი იყოსო. ძლიერ კეთილია მწყემსთ-მთავრის ესრეთი რჩევა იმის შესახებ, რომ მედნოსეთა მიმართონ პირველად თვით იმ პირთა, რომელნიც მათ აიძულებენ მათ უკანონო მოქმედებათა გამოაშკარავებას და სთხოვონ, რათა ისინი გასწორდნენ და დასტოვონ თავიანთი ბოროტ-მოქმედებანი, ანუ იმოქმედონ ყველაფერში კანონიერად და პირუთენელად. მიტროპოლიტი იმედოვნებს, რომ ეს პირები დიდის მაღლობით მიიღებენ ამ გვარს მხილებას და კიდევაც ეცდებიან თავიანთ უკანონო მოქმედებათა გასწორებას. ისეთი მაღალი ზნეობის და ღეთისნიერი უმაღლესი გონება-განვითარებული კაცი, როგორც ბრძანდება მიტროპოლიტი პლატონი, რასაკვირველია, ასე იფიქრებს სხვებზედაც და მართლაც ასე უნდა იყოს, — მაგრამ, სამწუხაროდ, იმ კაცებისაგან, რომელთაც ერთხელ შეუესერიათ ხელი ბოროტ-მოქმედებით და მიჩვეულან სხვისი კუთვნილების მითვისებას, თავის ხელქვეითი მოყვის ჩავგრა-წვალებას და არა წმიდა ცხოვრებას, ძნელი წარმოსადგენია, რომ ამისთანა მხილება გულგრილად მიიღონ, გასწორდნენ და თან მაღლობაც გამოუცხადონ მამხილებელთა.

რამდენათაც საზიზღარნი და გლახაკნი არიან მალული «მედანოსეები» იმდენად დამნაშავენი არიან ის პირნიც, რომელნიც თავიანთი მოქმედებით მიზებს აძლევენ «დანოსების» წერისას. შენიშნულია, რომ იქ მრავლდებიან მედნოსეები, სადაც ბოროტ-მოქმედება შემჩნეულა. — მაგალითებრ, მეთაისში ამ წინაზე შეიტანეს «დანოსი», ვითომც ერთმა ხაზინადარმა ხაზინის ფული ბლომათ შექამაო, — დანიშნა გამოძიება — და აღმოჩნდა შეკმული 30,000 მან; — მეორე დანოსში აცხადებდნენ, რომ აქავე ერთმა ხაზინადარმა მიბარებული ფული დახარჯაო, — გამო-



ძიებით აღმოჩნდა შექმნილი 15000 მ., — მესამე დანოსში აცხადებდნენ, რომ ყალბი ტალონებით ფულები გამოაქეთ ხაზინიდან, აგერ რამდენიმე წელიაო, — გამოაქიებით აღმოჩნდა მთელი «კამპანია», რომელსაც, მართლა, დიდი ხნის განმავლობაში ეზიდა ყალბის ტალონებით ფულები ხაზინიდან, ამისთანა მაგალითები მრავალნი არიან ობილისში და სხვა ქალაქებშიაც.

ათასი დარიგებაც რომ გამოიკეს «დანოსების» წერის მოსპობის შესახებ, მაინც არა გვჯერა, რომ ამით ბოროტება მოისპოს. გსურთ, რომ მედნოსეთა ლაგამი აუღეთ? — ეცადეთ, ვინც საზოგადო და ფართო ასპარეზზედ მოღვაწეობთ, თქვენი მოქმედება არ იქმნეს გარეშე კანონისა, ემსახურეთ საზოგადოებას კანონის მოთხოვნებისაებრ, ნუ მიზღვეთ პირად და წერილმან ანგარიშებს, დაიხსოვით, რომ ვალდებული ხართ ემსახუროთ საზოგადოებას და არა თქვენს პირადობას და თქვენი ცხოვრების ფუფუნებას; თუ ასე იქცევით, დარწმუნებული იყავით, ყოველი ლახვარი, მომართული თქვენდამი მედნოსეთაგან, სრულებით უნებელი იქმნება და თვითონ მათ განგმირავს. იმ ორმოში, რომელსაც თქვენ გითხრიდა მტერი უმართლოდ, თვითონვე შთავარდება და დაიღუპება...



«მწუხმსი»-ს კორექტორდენსია».

ორიადე სიტყვა სამრეკლო სკოლებზე.

ჩვენი საქართველოს სასულიერო წოდების სახელოდ და ჩვენდა საყოველთაო სასიკაღლოდ უნდა ესთქვათ, რომ დღეს ჩვენში არც ერთი წოდება არ ზრუნავს თავის შთამომავლობის გონებრივსა

და ზნეობრივს კეთილ დღეობაზე ისე თხიზლად და განიერულად, როგორც ჩვენი სამღვდლოება. სასიამოვნოდ უნდა აღინიშნოს ეს მოვლენა ჩვენი საზოგადოებრივი ცხოვრების მატრიანეში, მით უმეტეს, რომ ჩვენი სასულიერო წოდება არ მოსწყდა თვის დიდებულს საღეთის - მეტყველო წარსულს, როგორც ჩვენი ერის სხვა წოდებანი, არ უღალატა ამ წოდებას ტრადიციულს ჩვეულებას საქმის წინამძღოლობისას და მოძღვრებისას. ჩვენი სამშობლოს რომელ კუთხეს აიღებთ, რომ აქაურს სამღვდლოებას უწინარეს ყოვლისა არ აღემატოს ტაძარი მეცნიერებისა? — მართლის სასულიერო წოდებას ქართლის დედა ქალაქ ბორში აქვს თავისი საკუთარი სასულიერო სასწავლებელი, ძახეთისას — თელავში, იმერეთისას — ქუთაისში, ზურისას ქალაქ მხურგეთში, სამეგრელოსას სენაკში. აქედგან ხომ მოზარდი თაობა სასულიერო წოდებისა მიისწრაფება საქართველოს დედა ქალაქს ობილისისკენ, სადაც არსებობს მართლმადიდებელთა სასულიერო სემინარია. ღვემდის ჩვენში არც ერთ წოდებას არ ჰქონდა და არცა აქვს ასე სასურველად და მშვენიერად დაყენებული საქმე სწავლა-განათლებისა, როგორც ჩვენს სასულიერო წოდებას. ამ გვარის საქმის შედგენი კეთილ-ნაყოფიერია. რომელ წოდებას ჰყავს შედარებით ჩვენში იმდენი, ნასწავლი თუ არა, ზედ მიწვევით მცოდნე მაინცა წერა-კითხვისა ახალ თაობა, რამდენიც სამღვდლოებას?

ჩვენი სასულიერო წოდების სახელოდ ესეთ წოდებულის მამა-პაპათ სათნოებათ ისტორიულის გარდამოცემის კვალი უფრო ბევრი ამჩნევია ამ წოდებას, ვიდრე ჩვენს «სახელოვანს» თავად-აზნაურობას. დიახ, ამ მხრივ თავად აზნაურობა მეტად დაბლა სდგას სასულიერო წოდებაზე ჯერ-ჯერობით, თუმცა თავდაზნაურობამაც კი ნელ-ნელა იწყო თვალების ფშვინტა — აგერ სათავად-აზნაურო სკოლები! უფრო ბევრი მოეთხოვება თავად-აზნაურობას. ამ ორ წოდებათა მეოხებით მთელი საქართველოს ერი შეიქმნა მხნეც და მჭიდროდ შეერთებულს ჯვაროსანთა მხედრობათ. აი ამ ძლიერ-მოსილს ჯვაროსანთა მხედრობას შეა-



კლა თავი აზიის მძინვარე ისლამმა, როგორც ამბობს პატივცემული მარკოვი, და თავისი ინსტიქტი დარღვევისა და მუსრისა ველარ განაგრძო მეროპისაკენ. რას ბრძანებთ! ამ გვარი საისტორიო წოდება, როგორიც თავად-აზნაურობაა, ასეთ ყოფაში უნდა იყოს, როგორშიაც დღეს არის!... სასულიერო წოდება ჩვენში სამრევლო სკოლებსაცა ხსნის, გზის დალოცვის მეტი რა ეთქმის ამ გვარ ხალხს?! დღეს, ხვალ და მთელი წოდება ამოუდგება კვალში სამოქალაქო ზრდას. ძაცობრიობის აზრიც ასე იზრდებოდა. ჩვენში სასულიერო წოდებას დიდი მერმისი მოეღის. აი საიდგან იბადება ის სასოება, რომ დიდებული ქართული ღვთის-მეტყველება აღსდგება ჩვენში, წარმოდგება საღვთისმეტყველო ლიტერატურა, რომლის ბედიც სასულიერო წოდების ხელშია.

სამრევლო სკოლა! სახუმრო საქმეა? სამრევლო სკოლები ჩვენში დიდი ხანია არსებობდნენ. ძველს დროში თითქმის ყველა მღვდელს ჰქონდა ეკკლესიასთან დაარსებული სამრევლო სკოლა. მოიგონეთ სამრევლო სკოლა რუსთავისა, სადაც დიდებულმა შოთამ მიიღო პირველ დაწყებითი სწავლა, მესხეთში ტბეთის სკოლა. თითქმის ყველა ჩვენი სახელოვანი მწერალნი პირველ დაწყებითს სწავლას სამრევლო სკოლებში იღებდნენ. არა ერთი და ორი დიდებული კაცი შესძინა სამშობლოს სამრევლო სკოლამ. შპირველესი მიზეზი ამისა ის იყო, რომ ჩვენი სამრევლო სკოლა ეროვნული დაწესებულება იყო, სადაც ქვაკუთხედი სწავლა-აღზრდისა სამშობლო კულტურა იყო. მოზარდთა აღზრდა გონებრივი და ზნეობრივი თანამედროვე პედაგოგის აზრით იმაში მდგომარეობს, რომ სამშობლო კულტურის შემწეობით მოზარდმა შეიგნოს საკაცობრიო კულტურა. აი უკანასკნელი აზრი მეცნიერებისა. ჩვენში სახელმწიფო ენისა და კულტურის შესწავლა მხოლოდ სამშობლო კულტურის შესწავლით შეიძლება. შამისოდ ყოველად შეუძლებელია ჩვენში ფეხი მოიკიდოს ცივილიზაციამ რუსეთისამ. ჩვენი მღვდლები ამ აზრით სახელმძღვანელობდნენ, როცა სამრევლო სკოლებსა ხსნიდნენ. ამიტომ ჩვენს მღვდლებს მოვაგონებ, რომ ისინი იცდდენ

ვანდელ დიდ საქმეში იმავე აზრით იყვნენ გამსჭვალულნი, როგორც ჩვენი წინაპრები. ამიტომ სასურველია, რომ სამრევლო სკოლებში არა თუ მარტო სამშობლო ენა იყოს საკლასო, საგნებრივ ენად, არამედ ადგილობრივს ბუნებას საზოგადოდ უმთავრესი ადგილი ეჭიროს. დარწმუნებული ვარ, რომ სამრევლო სკოლის მმართველებს ჩემზე კარგად ესმით, რომ ეს საქმე ასე უნდა იყოს დაყენებული. ამიტომ აქ საჭიროდ ვრაცხ აღენიშნო, როგორ უყურებს ამ საქმეს თვით საკაცობრიო მეცნიერება და რუსეთის პედაგოგია კერძოთ.


რუსეთის უზუცესი პედაგოგი ცხონებული შშინსკი დიდ მნიშვნელობას აძლევს სამშობლო ენას და საზოგადოდ სამშობლო ბუნებას ბავშვების აღზრდასწავლებაში. მით ადგილას იგი ამბობს, რომ უნდა ვეცადნეთო, რათა სკოლა შევიდეს ბავშვის ცხოვრებაში მისდა შეუნიშნავად, რომ სკოლამ მიიღოს თვის განკარგულებაში ბავშვის სულის და გულის მოძრაობა, რომ სკოლა იყოს ხელმძღვანელი იმის აღორძინებისა, რაც ბავშვისთვის მიუცია ადგილობრივ ცხოვრებას და სხვა ენაზე ლაპარაკი ბავშვთან ხომ შეაჩერებს ბუნებითს ზრდასაო. აქედგან ცხადათ სჩანს, რომ ადგილობრივი ბუნება, სამშობლო ენა, უნდა შეადგენდეს სამრევლო სკოლის სულსა და გულსა. ამ აზრით განსასურათებლად მოვიყვან აქ რუსეთის მეცნიერის ვესელის აზრსა. ერთსა და იმავე შინაარსზე აშენებული საკლასო წიგნი ყველა ხალხის სკოლებს ვერ დააკმაყოფილებსო, თუ ხალხს არ ვასწავლეთ მის ენაზე, მაშინ ჩვენ ვაფერხებთო ხალხის გონებრივს აღორძინებას, ვუღახავთ მთელს მისს სულიერს აგებულებასაო, ბრძანებს მეცნიერი ვესელი. მიემართოთ ახლა ამავე საგანზე ევროპის მეცნიერებასა.

დიდებული პესტალოცკი თავის უკვდავს «ლინგარდ და გერტრუდაში» აი რა საყურადღებო რამეს ამბობს ჩვენი მსჯელობის საგნის თაობაზე: «სიტყვა არის ყოველივე შთაბეჭდილება, რომელსაც ბავშვი იღებს ადგილობრივი ბუნებიდანაო, ჩვენებურად რომ ვსთქვათ, ასე გამოდის: ბავშვი არის ღვიძლი შვილი ადგილობრივ პირობათა, მაშასადამე ისე უნდა აღი-

ზარღოს ბავშვი, როგორც მას ბუნება ზრდიდა, იმ
ენაზე უნდა ელაპარაკო, რა ენაზედაც გაეხსნა მას
მეტყველება. ცნობილი მეცნიერი რიხტერი აი, სხვა-
თა შორის, რას ამბობს: «სკოლისთვის საკითხაფი წიგნი
უნდა იყოს შემდგარი ხალხის სულიერის საუნჯედ-
გან, სახალხო ზღაპარი, სახალხო სიმღერა, ანდაზა
და მოთხრობა უნდა იყოს წიგნის შინაარსიო. ამ
აზრს რაღა განმარტება ეჭირება?

ბათუმის სკოლის მასწავლებელი მ. ნათაძე.

1889 წ. მარტის 5-ს.




წერილი რედაქტორთან.

მ. რედაქტორო! უმორჩილესად გთხოვთ თქვე-
ნი პატივცემულის ჟურნალის «მწყემსი»-ს საშუა-
ლებით განგიმარტო სამღვდლოებას ერთი საეკო-
კითხვა, რომელიც არა მცირე უთანხმოებას ახდენს
ზოგიერთ სამღვდლო პირთა შორის.

აი საქმე რაში მდგომარეობს. მე ვარ აღრჩე-
ული მთელი ჩემი საბლალოჩინო მაზრის სამღვდ-
ლოთაგან მოძღვრათ-მოძღვრად. ამ ჩემს მოვალეობას,
აგერ ორი წელიწადია, ვასრულებ შეძლებისაგერ.
ქოველ წლოებით ჩემთან ამბობენ აღსარებას რო-
გორც მღვდლები, ისე მათი შეილები. მაგრამ ჩემ-
დამო რწმუნებულის სამღვდლოების შეილებს ჯე-
არის წერის დროს ჩემგან არ მიაქვსთ ჯეროვანი მოწ-
მობანი, რომ მათ ჯეარის წერისადმი არავეითარიმე
დამაბრკოლებელი მიზეზი არა აქვსთ. ჯეარის დამ-
წერელი მღვდლებიც საჭიროდ არა სთელიან ამ გეარ
მოწმობათა. ბევრმა არ ვიცით, რამდენად კანონიე-
რია სამღვდლოების ამ გეარი მოქმედება მათი მოძღ-
ვართ-მოძღვრისადმი და ამიტომ განგიმარტე შემდეგი:

მღვდლის რჯახში რაიმე მღვდელ-მოქმედების შესრულე-
ბა ეკუთვნის მათ მოძღვრას, თუ სხვა მღვდელს, რა-
მელსაც კი ისურვებენ და მოუწოდებენ?

მღვდელი იოსებ გიორგაძე.



ქოველი მღვდელი მტკიცედ უნდა აღგეს და
ასრულებდეს ეპარქიის მწყემსთ-მთაერის ყოველივე
განკარგულებას. ჩვენ ნამდვილად ვიცით, რომ იმე-
რეთის ეპარქიაში მისი ყოველად უსამღვდლოესობის
იმერეთის ეპისკოპოსის ბაბრიელისაგან მიწერი-
ლი აქვს სამღვდლოებას, რომ მღვდლე-
ბის გასათხოვარ ქალებს ჯეარი დასწერონ ან მათმა
მოძღვართ-მოძღვარმა და ან აღვილობითმა ბლალო-
ჩინმა. მოწმობებიც ჯეარის წერის შესახებ მღვდლის
შეილებმა, რომელნიც სასულიერო უწყებაში მსახუ-
რებენ, უნდა აღონ ან აღვილობითი მღვდელ-
მთაერისაგან და ან ბლალოჩინისაგან. ამ გეარ გან-
კარგულებას ეპარქიის მთაერობისას ყოველი სამღვდ-
ლო პირი მტკიცედ უნდა აღსრულებდეს.

ჩვენ ვიცით, რომ ზოგიერთი მღვდლები თეი-
თონ ასრულებენ ხოლმე გეირგინის კურთხევას თა-
ვის გასათხოვარ ქალებზე. მართალია, მღვდელს სა-
ჭიროების დროს, ე. ი., როდესაც სხვა მღვდელი არ
იმოვება, შეუძლია რომელიმე საიდუმლო შეასრულოს
თავის შეილზე, მაგრამ როდესაც ამის თანა საჭიროება არ
არის და სხვა მღვდელიც აღვილი საშოვნია, რასა-
კვირველია, მღვდლებმა არ უნდა შეასრულონ თა-
ვიანთ-შეილებზე საიდუმლოები.

რედაქტორი.



სასოფლო მეურნეობის და მრეწველობის ნაწარმოებთა

ქ ა ვ კ ა ს ი ი ს გ ა მ ო ფ ე ნ ა

1888 წელში.

გამოფენის წესები და პროგრამა.

წ ე ს ე ბ ა .

1) ქავკასიის გამოფენა სასოფლო მეურნეობის და მრეწველობის ნაწარმოებთა გაიმართება ქალაქ თბილისში 10 ენკენისთვის 1889 წ. და დაიხურება 20 ღვინობისთვის *).

2) გამოფენა შესდგება შემდეგ განყოფილებათაგან: განყოფილება I. მიწა-დ-მოქმედების ნაწარმოები.

- » II. ბალოსნობა და მებოსტნეობა
- » III. მღვინეობა.
- » IV. მებაბრეშუმეობა და მეფუტკრეობა.
- » V. რძის და პირუტყვი საქონლის ნაწარმოები.
- » VI. მეტყეობა.
- » VII. მეთევზეობა.
- » VIII. სამეურნეო იარაღები და მანქანები.
- » IX. საშენაო, სახელოსნო და საქარხნო მრეწველობა.
- » X. მთისა.
- » XI. საპედაგოგო—პროფესიონალური.

3) გამოფენის გამართვა, გამოფენისათვის წარმოდგენილი ნაწარმოების მიღება და უკან დაბრუნება და საზოგადოდ რაც გამოფენას შეეხება, სულ-გამგე კომიტეტის მოვალეობას შეადგენს.

4) მკსპონენტებათ შეუძლიანთ იყენენ მხოლოდ ქავკასიის და კასპიის იქითა მხრის ოლქის მკვიდრნი.

*) ეს ვადა შეიძლება გაგრძელდეს მთავარ-მმართველის ნება დართვით.

მ ე ნ ი შ ე ნ ა. ზოგიერთს განყოფილებაში, რომლებს დაარსებას წზრდა აქვს გამოფენაზედ დამსწრე საზოგადოებას გააცნოს ეხლანდელი გაუმჯობესებული ტენიკა და გაუკეთესებელი ნაწარმოები მრეწველობის რომელიმე ნაწილისა, შეუძლიანთ მონაწილეობა მიიღონ და ექსპონენტებათ იყენენ სამზღვარ გარეული და რუსეთის ფირმები; ხოლო ამათათაგანს საჩუქარი დაენიშნებათ მარტო სამეურნეო იარაღებს და მანქანებს, დანარჩენი უცხოელი ნაწარმოები-კი კონკურსს გარეშე იქნებიან და ფილდოს დანიშვნის დროს მხედველობაში არ იქნებიან მიღებული.

5) იმ პირთა, რომელთაც ჰსურთ გამოფენაში მონაწილეობა მიიღონ, უნდა მიჰმართონ გამგე კომიტეტს თავიანთი განცხადებით და მასთან დართული ფაქტურებით, რომლებს ნიმუშები ამავე წესებთან იბეჭდება, არა უგვიანეს 15 მარამობისთვისა, ხოლო გამგე კომიტეტის აგენტებს-კი უნდა მიჰმართონ არა უგვიანეს 1-ი მარამობისთვისა.

6) გამგე კომიტეტის აგენტებად არიან ყველა მაზრების უფროსები და სახალხო განათლების სამინისტროს სასწავლებლების მასწავლებლები, აგრეთვე პოსტდენიკები, სახელმწიფო ქონებათა სამინისტროს და აქციზის მოხელენი და მეტყევეები.

7) ღათვლიერება და მიღება ნაწარმოებთა, რომელნიც გამოფენისათვის არიან დანიშნულნი, მოხდება ხოლმე გამგე კომიტეტისაგან დანიშნულ დღეებში. კომიტეტს უფლება აქვს, როგორც განცხადების მიღების შემდეგ, აგრეთვე თვით ნაწარმოების მიღების შემდეგაც, უარ-ჰყოს და არ მიიღოს იგინი, თუ არ ეთანხმებიან გამოფენის პროგრამის მოთხოვნილებას. ის ნიეთები (ნაწარმოებნი), რომელნიც ცოტა ხანში ფუჭდებიან, აგრეთვე იმ ადგილებიდან გამოგზავნილნი, რომელნიც შორს იმყოფებიან, მიიღებიან გამოფენაზედ გამოფენის გახსნის წინა დღეს, და ზოგიერთ განსაკუთრებით შემთხვევაში, გამოფენის გახსნის შემდეგაც, ხოლო იმ პირობით-კი, ამის შესახებ თავის დროზედ და წესისა მებრ აცნობებენ კომიტეტს.

8) ნაწარმოებთა გამოფენაზედ გამოგზავნა, აგრეთვე მათი უკან წაღება, ექსპონენტის ხარჯით მოხდება.

9) ნაწარმოებთა რიგზედ მოყვანისათვის და დაბინავებისათვის ექსპონენტებს უფასოდ დაეთმობა შესაფერს განყოფილებაში ადგილი და ყათაზები კომიტეტისა ვალაწყეტილებით.



უ ე ნ ი შ ვ ნ ა. ის ექსპონენტები, რომელნიც გამოფენაზედ საქარხნო მრეწველობის ნაწარმოებს წარმოადგენენ, თავიანთი ნაწარმოებისათვის თავიანთსავე ხარჯით ააგებენ შენობას, ხოლო გადაიხდიან ადგილის ფასს კომიტეტის გადაწყვეტილებით.

10) შხ. ექსპონენტები, რომელთაც ჰსურთ თავიანთი ნაწარმოებისათვის საკუთარი შენობების ანუ საწყობების აგება, თავის დროზედ ატყობინებენ ამას გამგე კომიტეტს და წარმოადგენენ ამ შენობის გეგმას და გადაიხდიან ადგილის ფასს კომიტეტის გარდაწყვეტილებით.

11) სახელმწიფო და საპროფესიონალო განყოფილება, რომელიც განსაკუთრებით საპროფესიონალო და სასოფლო სკოლების მოწაფეთა საშინაო და სახელოსნო ნაწარმოებისაგან შესდგება, მოთავსებული იქნება კერძო პავილიონში და ადგილის ფასი არ გადაეხდებიან.

12) ექსპონენტებისათვის დანიშნული ადგილების ჩვენება დაეწელება გამგე კომიტეტს, რომელიც მიღების ბარათებს აძლევს. თუ ექსპონატების (ნივთების, ნაწარმოების) დალაგება კერძო ხარჯს მოითხოვს, ეს ხარჯი პატრონმა უნდა იკისროს. ექსპონენტებს შეუძლიანთ, თუ მოისურვებენ, გამართონ თავიანთი ხარჯით თავიანთი ნაწარმოებისათვის საკუთარი ყაფაზები (ვიტრინები).

13) ექსპონენტები, რომელთაც ჰსურთ გაჰყიდონ მათგან გამოფენილი ნაწარმოები, განაცხადებენ ამას წარმოდგენილს ფაქტურაში. სახელოსნო და საშინაო მრეწველობის მწარმოებელნი მოწვეულ არიან გამოფენაზედ თავიანთი იარაღებით დაესწონენ და ნება აქვსთ თავიანთი ნაწარმოები ჰყიდონ ამ გამოფენაზედ.

14) გამოფენილი ნივთების ღირებების დასაფასებლად დანიშნული იქნება ექსპერტების კომისია (დამფასებელი კომისია), რომელიც შესდგება სახელმწიფო ქონებათა მინისტრის-მიერ დანიშნული პირებისაგან; დამფასებელი კომისია დაფასებაში მონაწილეობის მიღებისათვის მიიწვევს თვისი ამორჩევით სპეციალისტებს, რომელთაც კომისიაში მხოლოდ რჩევის ხმა ექნებათ და არა კენჭისა.

15) ექსპერტების კომისიის მოვალეობას შეადგენს გამოფენილი ნივთების ღირებების დაფასება და ამ დაფასების დასაბუთებული ანგარიშის შედგენა.

როგორც გამოფენილი ნივთების დაფასება, აგრეთვე ამის ანგარიშიც უნდა დაბოლოდეს 1890 წლის 10 ოქტომბრისთვის.

16) ჯილდოს დანიშენა, დამუხასებელი კომისიის ოქმის თანხმად და ძავეკასიაში სახელმწიფო ქონებათა მინისტრის წარმომადგენელის წარდგენილობით, ეკუთვნის კავკასიის სამეურნეო საზოგადოების პრეზიდენტს.

17) ექსპონენტების დასაჯილდოებლად ინიშნება შემდეგი საჩუქრები: მედლები—ოქროსი, ვერცხლისა და ბრინჯაოსი, საპათიო დიპლომები და ქების ფურცლები.

18) გამოფენა გახსნილი იქნება ხალხისათვის ყოველ დღე დილის 9 საათიდან 6 საათამდე. გამოფენაზედ შესასვლელი ფასი პირველ 3-ს დღეს 1 მანეთია, კვირაობით 10 კაპ., დანარჩენ დღეებში 20 კ. მთელი სეზონის ბილეთი ეღირება სულზედ 3 მან. ყოველი სასწავლებლის მოწაფეთა, რომელნიც გამგე კომიტეტისაგან დანიშნულს დღეებში თავნათი მასწავლებლებითურთ გასინჯავენ გამოფენას, შესასვლელი ფასი არ გადახდებათ.

19) გამგე კომიტეტს მინდობილი აქვს, თუ შესაძლებელი იქნება, საღამოობითაც გამართოს გამოფენის დათვალიერება, საღამოს 7 საათიდან 12-მდე, ელექტრონის განათებით, და თითო სულზედ 50 კაპ. გადაახდებინოს.

20) გამოფენის დროს გამგე კომიტეტისაგან დანიშნულს დღეებში, სხვა-და-სხვა განყოფილებაში მუშაობით აჩვენებენ ხალხს და განმარტებენ სხვა-და-სხვა იარაღებს და ტექნიკურს მოწყობილებას.

უ ე ნ ი შ ვ ნ ა. გამგე კომიტეტი, თუ შესაძლებელი იქნება, გამოსცდის სამეურნეო იარაღებს.

21) საჩუქრების დარიგება საქვეყნოდ მოხდება ერთ-ერთს დღეს გამოფენის დროს და ეს დღე თავის დროზედ გამოცხადებული იქნება ადგილობრივს განხეთქში.

22) ზამოფენის დახურვის შემდეგ სამი დღის განმავლობაში ექსპონენტებს უკან უბრუნდებათ მათი ექსპონატები, აგრეთვე გამოფენაზედ გაყიდული ნივთები მიეცემათ მყიდველებს. ამ ვადამდის გამოფენილი ნივთების წაღება გამოფენიდან არ შეუძლიანთ არც ექსპონენტებს, არც იმ პირთ, რომელიც იყიდნან მათ.

მ.უ გამოფენის დახურვის შემდეგ ორი კვირის განმავლობაში პატრონები არ ჩაიბარებენ თავიანთ ნივთებს და ნაწარმოებს, კომიტეტი მათს შენახვას არა კისრულობს.

23) ზამგე კომიტეტის მოვალეობას ეკუთვნის გამოფენილი ნივთების კატალოგის გამოცემა.

24) ძავეასის სამეურნეო საზოგადოება კისრულობს ვრცელი და დაწვრილებითი გამოფენის აღწერის შედგენას და ამ აღწერას დაურთავს ყველა იმ ცნობებს, რომელთაც ექსპონენტები გამოუგზავნიან, და აგრეთვე ექსპერტების კომისიის ანგარიშებსაც იმ საბუთებთურთ, რომლებითაც ექსპერტები იხელმძღვანელებენ გამოფენილი ნივთების დაფასებაში. შეველა ეს, ექსპონენტებს სია და ზამგე კომიტეტის ფულის ანგარიში დაბეჭდილი იქნება.

(გაგრძელება იქნება).

ახალი ამბები და შენიშვნები.

მისი ყოველად უსამღედლოცობის საქართველოს ექსპორტის პალლადის განკარგულებით ამ დიდს მარხვაში თბილისის ყველა მართლ-მადიდებელ ეკლესიებში, ყოველ კვირა დღეს, საღამოობით ღვთის მსახურების გარეშე საუბრები იქნება გამართული ქრისტიანობრივს სარწმუნოებაზე და კეთილს-ზნეობაზე.

* *

ზაზეთ «ივერია»-ში ვკითხულობთ: «თებერვლის თთვის 14 სოფ. ძვეს შიომღვიმის მონასტრის ბო-

რანი აკუროხა ეკლესიის წესისა ვბრ შიომღვიმის მონასტრის წინამძღვარმა ეპისკოპოსმა ალექსანდრემ. ხსენებული ბორანი თაგის ჯაჭვით, რომელიც ინგლისიდან გამოიწერეს, ას-ორმოც-და-ათ თუმნამდე დაუჯდა ეპისკოპოსს. შრმები, საქონელი და ქვეითი ხალხი დაუბრკოლებლად დაიარება მტკვარზედ ბორანით».

მ.უ რამდენათ სასარგებლო იქნება ეს ბორანი შიომღვიმის მონასტრის ახლო-მახლო მდებარე სოფლების მკერდრთათვის, ამას, ვგონებთ, განმარტება არ ეჭირება. ზარდა ამისა ეს ბორანი მლოცველებსაც გაუადვილებს მისვლა-მოსვლას მონასტერში, რა-ისაგანო მონასტერი ნივთიერის მხრით გაუმჯობესდება. მს ყოველად საქები ქველ-მოქმედება პირველი არ არის ყოველად სამღედლო ეპისკოპოსის ალექსანდრეს მხრით.

* *

ტყიბულის რკინის გზაზე, ამ თთვის პირველი-დამ მატარებელი მუდამ დღე ივლის. ტყიბულიდამ მატარებელი გამოა 6 საათსა და 50 წუთზე, და მოვა ძუთაისში 10 საათსა და 21 წუთზე. ძუთაის-სოდან ტყიბულში გავა ნაშუადღევს 2 საათზე და 39 წუთზე და ტყიბულში მივა 5 საათსა და 32 წუთზე.

* *

მისს მალალ ყოველად უსამღედლოცობას საქართველოს ექსპორტის, მთავარ-ეპისკოპოსს პალლადის განზრახვა აქეს მათი იმპერატორებითი უდიდებულესობათა და მათ უავეგუსტოეს ძეთა 17 ოქტომბერს რკინის გზაზე მომხდარ განსაცდელისაგან სასწაულებრივ გადარჩენის სახსოვრად აღაშენოს სამლოცველო თბილისის რომელიმე გამოჩენილ ადგილს და შემდეგ ეკლესია წმ. მოციქულთ-სწორის, ქართველთ განმანათლებელის ნინას სახელზე.

* *

სამეგრელოდგან გვწერენ: ამ დღეებში მისი ყოველად უსამღვდელოესობის შურია-სამეგრელოს ეპისკოპოსის ბრიგორის განკარგულებით ადგილობრივი ეპარქიის საეკლესიო სამრევლო სკოლების რჩევამ დაურიგა მისდამი რწმუნებულ სკოლების მაწავლებლებს დაფთრები, რომლებშიაც დღეიდან უნდა იწერებოდეს ყოველი დღის გაკვეთილი, მიცემული მასწავლებლებისაგან. იმავე დაფთრებში უნდა იწერებოდეს, თუ რომელი ზედამხედველი რამდენჯერ იყო მისდამო რწმუნებულ სკოლაში. მარეთი განკარგულება, ჩვენის აზრით, ძალიან სასარგებლო ჩნება. ამის შემდეგ მასწავლებლებიც უფრო მუყათად მოჰქიდებენ თავიანთ მოვალეობას ხელს და ზედამხედველებიც ხშირად დახედვენ ხოლმე სკოლებს.

* *

2 მარტს, მათი იმპერატორებითი უდიდებულესობის ხელმწიფე იმპერატორის ტახტზე ასვლის დღეს სიღნაღის ყველა მართლ-მადიდებელ და სომხის ეკლესიებში სამღვდელოებას წირვის შესრულების შემდეგ გადაუხადია სამადლობელი პარაკლისი. ამ საღვთისა-სწაულო დღისათვის მართლ მადიდებელ წმ. მთავარანგელოზის ეკლესიაში დანიშნული ყოფილა საეკლესიო პარადი. შარვაზე და პარაკლისზე დასწრებია ადგილობრივი მთავრობის ყველა წარმომადგენელი, აუარებელი ხალხი და სამოქალაქო მასწავლებლის მოწადენი. ძალაქი დიდიდამ მშვენიერად ყოფილა მორთული ბაიარხებით. სიღნაღის მართლ-მადიდებელი ეკლესიის მახლობლად, ადგილობრივი მაზრის უფროსის წინადადებისაებრ, აკეთებენ მშვენიერს ბაღს სწორეთ იმ ადგილას, სადაც ბრძანდებოდენ მათი იმპერატორებითი უდიდებულესობანი საქართველოში მობრძანების დროს. ბაღს უნდა დაერქვას სახელად ალექსანდროვის ბაღი. ბარდა ამ ბაღისა, სიღნაღში ბოდბისის წმ. ნინას მონასტრიდამ დაწყებული მთელ იმ გზაზე, რომლითაც მობრძანდენ მათი იმპერატორებითი უდიდებულესობანი, აშენებენ მშვენიერ ხეივანს, ხეების დარგვა, თითქმის, კიდევ გაუთავებიათ ანაგის ხეობამდის. ამავე გზაზე უნდათ დაასვენონ ხატი წმ. ნინასი, მართველთ განმანათლებლისა, ნაკოლოზ სასწაულო-მომქმედისა და ლეთის

მშობლისა, ივერიის მფარველისა, მათი იმპერატორებით უდიდებულესობათა 17 ოქტომბერს 1888 წ. რკინის გზაზე მომხდარ განსაცდელისაგან სასწაულებრივად აღრჩენის სახსოვრად.

* *

ღღეს თითოეულს ეპარქიაში არსებობს საეკლესიო სამრევლო სკოლების ეპარქიალური რჩევა. მაგრამ რადგან დაშორებული სოფლების საეკლესიო-სამრევლო სკოლების მასწავლებელთათვის ძნელია ყოველი საჭიროებისა და საეკვო კითხვის განსამართებლად საკათედრო ქალაქში ჩასვლა რჩევის თავსმჯდომარესთან მოსალაპარაკებლად და მასთან რჩევასაც არ შეუძლიან ჯეროვანი ზედამხედველობა იქონიოს დაშორებული სოფლებს საეკლესიო სკოლებზე, ამიტომ უწმიდესმა სინოდმა ნება მისცა ეპარქიის მღვდელ მთავრებს, რომ მათ საეკლესიო სკოლების ეპარქიალურ რჩევების განყოფილებანი დაარსონ მაზრის ქალაქებშიაც. ამ რჩევებში გარდა სასულიერო წოდების პირთა უნდა დანიშნონ საერო წოდების პირნიცა. ამგვარი განყოფილებანი უკვე დანიშნა მისმა ყოველად უსამღვდელოესობამ იმერეთის ეპისკოპოსმა ბაბრიელმა თავის ეპარქიაში. შორაპნის მაზრაში ეპარქიალურ რჩევის განყოფილების თავსმჯდომარედ არის დანიშნული ბლალაჩინი დეკანოზი დ. ლამბაშიძე; რჩევის წევრებად — ბლალაჩინი მღვდელი ივლიანე აბესაძე და ლუკა ჭიპაშვილი; ადგილობრივი საერო სკოლების ინსპექტორი და მომრიგებელი შუამდგომელი ბ. ლ. ავალიანი. რაჭის მაზრაში რჩევის თავსმჯდომარედ დანიშნულია ბლალაჩინი დეკანოზი ალი. გეორგობიანი, ხოლო წვერებად — ბლალაჩინი სხირტლაძე და მღვდელი მიხეილ ბაეაშვილი.





სწავლა და მეცნიერება ქრისტიანობრივ სარწმუნოებასა და კეთილზნობაზე

სიტყვა,

ჯვანის თავჯანის მკვლავის კვირიაკისა ზედა.

ხოლო ჩემდა ნუ იყოფინ სიქადულ, გარნა ჯვართა უფლისა ჩვენისა იესო ქრისტესითა (გალ. 6, 14).


«ბა რითი მოაქვსთო თავი,— იფიქრებს, ვისაც არ ესმის მოციქულის ქადაგება ჯვარზე, — ჯვარის ხით, საზიზღარის ხით, რომელზედაც სიკვდილით სჯიდენ ავაზაკთა, წყევლისა და კრულის ხითა?» არ მოგცემ პასუხს შენ, უმეცარო, რომელსაც არ გესმის სიტყვა ჯვარზე. მართალია, ამ ხემ გააბოროტა ებრაელები, რომელნიც ამაოდ თხოულობდენ სასწაულთა იქ, სადაც ცხადად ჩნდა ძლიერება ღვთისა. ჯვარი შეადგენ და სირვეგნეს და სისულელეს ელინთათვის და ამა საუკუნის ყველა ბრძენთათვის, რომელთაც თავისი ცრუ სიბრძნისა გამო არა სწამდათ ღმერთი, პირიქით მოწოდებულთათვის, როგორნიც არიან იუდეელები, აგრეთვე ელინთათვის და ყოველთა ცხოვნების მადიებელთათვის— ჯვარი არის «ძალა ღვთისა და ღვთისა სიბრძნე (1 კორინ. 1, 24), ეს ისეთი ღვთაებრივი საუნჯეა, რომელიც შეიცავს მთელს ჩვენს ჭეშმარიტს, უმაღლეს სიკეთეს და ნეტარებას. მსურს, სულო მორწმუნე, იხილო ესე მშრად იღე და ისწავე.

«ჯვარი, სწავლისაებრ წმიდა ეკლესიისა, არის მკველი მთელი მსოფლიოსი, ჯვარი არის მშენებელი ეკლესიისა, ჯვარია სიმტკიცე მეფეთა, ჯვარია მორწმუნეთა სიმტკიცე, ჯვარია ანგელოსთა ღიღება და ეშმაკთა ლახვარი.

* თქველ არს საქართველოს ექსარქოსის, მთავარ ეპისკოპოსის პაატაის მიერ.

ჯვარია მფარველი მთელი მსოფლიოსი. რისი მომლოდინე უნდა ვყოფილიყავით ჩვენ ღვთისგან, შემდეგ ჩვენ წინაპართა ადამისა და მისი შეცოდებისა, შემდეგ ჩვენ მიერ ღმერთთან კავშირის დარღვევისა? დაუსაბამო უცვალეველი კანონი ღვთის მართლ-მსაჯულებისა, რომელიც სჯის ცოდვილთა, მოითხოვდა ჩვენგან ღმერთთან შერიგების შესაფერს მსხვერპლსა, რომლითაც შესაძლებელი ყოფილიყო ღვთის რისხვის განქარება, და ღვთაებრივი მართლ-მსაჯულება მზად იყო და სიმართლეც მოითხოვდა მიეცემოდით ჩვენ საუკუნო სასჯელს. მაგრამ ღვთის-სახიერებამ, რომელიც მარადის მოწყალეა ჩვენი, თვით ცოდვაში შთაფარდის დროსაც, შეაკავა ჩვენს თავზე ჩამოკიდული ხრმალი მრისხანებისა და მძინვარებისა. რითლა დააკმაყოფილა მან განრისხებული ღვთის მართლ-მსაჯულება? რა სახსარი მოიპოვა მან ჩვენდა საცხონებლად? «ჰოი სიღრმე სიბრძნისა, და კაცთ-მოყვარებისა ღვთისა!» (რომაელ. 11, 33) და ეს მსხვერპლი, რომლის სისხლით განბანილ არიან ყოველივე ჩვენი უსჯულოებანი, შეწირულ არს ჯვარზე! აქ მოკვდინებულ არს ცოდვა ყველა მისი საზარელი შედეგებით. აქ ზეციურმა მადლმა, რომელიც იხსნის კაცსა, განაქარვა ხელწერილი, რომელიც ედვა კაცთა ნათესავსა ზედა; აქ მართლ-მსაჯულება და მადლი შეერთდენ და სრულად დააკმაყოფილდენ, სიტყვისაებრ ფსალმუნთ მგალობლისა: «წყალობა და ჭეშმარიტება შეიმთხვენეს; სიმართლემან და მშვიდობამან ანბორს-უყვეს» (პსალ. 84, 10). და ჩვენ, რომელნიც მოვკვდით სამოთხის ხით, განცხოველებულ ვიქმნენით ჯვარის ხით; განდენილნი სამოთხის სიტკბოებისაგან გაუგანლობისათვის, — ჯვარით, როგორც კიბით, ავღივართ ზეცად ღიღების სასუფეველსა შინა.

მარდა ამისა, როდესაც იუდეელებმა, შურითა და ბოროტებით დაბრმავებულებმა, შეასრულეს უსაშინელები ბოროტმოქმედება, ჯვარს აცვეს უფალი ღიღებისა, როდესაც თვით ბუნებამ ველარ მოითმინა ჭვრეტა ჯვარცმულისა— ყოველთა ქმნილებათა მპყრობელისა და მემოქმედისა და შესცვალა თავისი წესი, მაშინ საკვირველი მოვლენანი მისნი (ბუნებისა), — არა ჩვეულებრივი დაბნელება მზისა, მიწის ძვრა, განრღვევა კლდეთა, ნუ თუ არ მოასწავებდენ მსოფლიოს საყოველთაო დამხობას და არ მოითხოვდენ ზეციურ მართლ-მსაჯულებასა და სასჯელად საოცარი ავაზაკობისა— ღვთის მკვლელობისა, აღმოსაფხრობლად მთე-



ლის კაცობრიობისა, რომელმაც არ იწამა ლმერთი თვისი, აღიარებული თვით უსულთ ბუნებისა მიერ? მაგრამ ჯვარმა, აღმართულმან ზოლოგოთის მთაზედ, მორწყულმა მაცხოვრის სისხლითა, თითქო შეაკავა უკვე დარღვეული კაცობრი ბუნებისა, და ვითარცა მსოფლიო ყოველად გამწმენდელმა, ყოველდამაცხოვრებელმან შერიგების მსხვერპლმა შეაჩერა ზეციური რისხვა და გარდაქმნა იგი მოწყალეებად კაცთა მიმართ.

და დღესაც ეს ქვეყანა არსებობს და სკოცნლობს უქვეყლად ქრისტეს ჯვარის ძალით. ლეთაებრივი სახიერება, რომელსაც «ნებაეს ყოველთა კაცთა ცხოვნებაი და მეცნიერების ჭეშმარიტებასა მოსვლა (1 ტიბ. 2, 4), — ჭეშმარიტად წინათვე ხელდას, რომ ჯვარი აცხოვნებს კიდევ უმეტეს ხალხთა, ვიდრე აქამამდე, რომელნიც ჯერ კიდევ არ არიან განათლებულნი ქრისტეს სწავლითა, და სახარება, თვით მაცხოვრის სიტყვისაებრ, მოეფინება ქალაგებრთ «ყოველსა დაბადებულსა» (მარ. 16, 15; მათ. 26, 13). და-ჯვარი ქრისტესი აღმართება ყოველთა კიდეთა ქვეყანისათა.

«ჯვარია მშვენება ეკლესიისა». და აბა რა შეადგენს წმ. ეკლესიისათვის უმეტეს მორთულეებას და სიქადულს, თუ არა ჯვარი ქრისტესი — ეს ნიშანი ცოდვის, სიკვდილის და ჯოჯოხეთის ძლიერისა? ძვენიური მეფენიც კი თავს იქებენ მტრებზე გამარჯვების ნიშნებით და ძვირად აფასებენ მტერთაგან წართმეულ ჯალათთა. ისრაილები ქადულობდნენ იმ იარაღით, რომლითაც ღვეთმა ძლია და თავი მოჰკვეთა მედიდურს ზოლიათსა, და ისე ძვირფასათ მიაჩნდათ ის, რომ, მოსაგონებლად ამ დიდებული ძლიერ-მოხილვისა მტრებზე, ინახავდნენ მას სჯულის კარავში (1 მეც. 21, 9): როგორ არ უნდა ვიქადოდეთ და ძვირფასათ არ უნდა მიგვაჩნდეს ძლიერ-მოხილი ჯვარი, რომლითაც უფალმა ჩვენმა იესო ქრისტემ სძლია სულიერს ამა ზოლიათს და შემუსრა თავი გველისა მაცხოვრისა (დამ. 3, 15), რომელსაც უხარობა ჩვენი წაწყმენდა? როგორ არ უნდა ჩავსთვალოთ იგი ჩვენს უპირველეს სამკაულად და მორთულეებად? ჯვარი ქრისტესი არის საძირკველი და გვირგვინი ქრისტეს ეკლესიისა. ჯვარი ქრისტესი ყოველგან და მარადის ამშვენებს ეკლესიის მორწმუნე შეილთა, იგი გულზე ჰკიდია ყველას.

«ჯვარი არის მეფეთათვის სიმტკიცე». ეს ჭეშმარიტება, გამართლებული მრავალთა მოვლენათაგან, გამოცხადებულია თვით ლეთის მიერ, რომელიც აღა-

მალღებს რქასა ცნებულთა თვისთა და განამტკიცებს კეთილ-მსახურთა მეფეებისა სკოპრათა. მეფე ძონსტანტინეს, როგორც ჩჩეულს ჭურჭელსა, რომელსაც ნათელი ძრისტეს სწავლისა უნდა მოეფინა ყოველთა კრდეთა ქვეყანისათა, ლეთაებრივმა განგებულეებამ უჩვენა სახსარი ჭეშმარიტი ძრისტეს ეკლესიის მტერთა ძლიერისა; მტერთან შეტაკების წინ არა ჩვეულებრივი ჩვენება წარმოუდგა თვალთა მისთა და ყველა მასთან მყოფ მხედართა; დღისით იმათ იხილეს ვარსკლავთაგან შედგენილი ჯვარი ზედ-წარწერით: «ამითი სძლიედე». შემდეგ მეფეს ძილში გამოეცხადა იმავე ჯვარით თვით ძე ლეთისა იესო ძრისტე და უბრძანა მას გაეკეთებინა ჯარისათვის დროშა, რომელზედაც გამოეხატა ჯვარი. შევლამ ვიცით, თუ რა ძლიერ-მოხილვით ომობდა ეს კეთილ-მსახური მეფე: მან, როდესაც დაამხო ჯვარის ძალით მტერი თვისი და ძრისტეს სამეფოსა, აღმართა ჯვარი ყველგან თავის ერცულ იმპერიაში. შემდეგ ყოველთვითა და ყოველგან კეთილ-მსახურნი მეფენი სთელიდნ და დღესაც სთელიან უფლის ჯვარს მშვიდობის იარაღად, უძლიერელ ძლიერ-მოხილვად.

«ჯვარი არის მორწმუნეთა სიმტკიცე». რაში და როგორ განამტკიცებს მორწმუნეთა ჯვარი ძრისტესი. შოველ განსაცდელსა შინა, რაიცა შემომხვევის კაცს ქვეყანაზე, ყოველ ქველმოქმედების დროს, რომელიც შესაძლებელი არის აღამიანისათვის ყოველ ჭეშმარიტებაში, რაიცა კი საჭიროა ცხოვნებისათვის, ჯვარი განგამტკიცებს მაგალითით, ზეციურის სწავლით, ძალითა მასზედ გამსჭვალულის ჯვარცმული ლეთისა. და აი აქ ძალა ძრისტეს ჯვარისა იხატება მთელის თავისი განუსაზღვრელის დიდებით.

შველას, ვისაც კი ნებაეს ცხოვნება ჯვართა, ეტყვის მაცხოვარი: «რომელსა უნებს შემოდგომად ჩემდა, უარ ჰყავთ თავი თვისი და აღილენ ჯვარი თვისი და შემომიდეგენ მე (მარკ. 8, 34). ჩვენ არ შეგვიძლიან ტვირთვა ძრისტეს ჯვარისა: ჯვარი მისი არის ჯვარი მთელი ქვეყნისა! ამიტომ თვითთვეული თავისი ჯვართი შეუდევ მას. საით უნდა მიმართო? ზოლოგოთის მთაზედ, ძრისტეს ჯვარისადმი. იქ შენ შეგიძლია არა თუ შეიმსუბუქო, არამედ დასდვა მთელი ტვირთი ჯვარისა შენისა. იქნება სულიერია შენი ჯვარი? იქნება შენ გტანჯავს ბრძოლა შენის ხორცისა და სულისა ერთმანეთშორის? იქნება შენ ხარ მოკული მწუხარებითა და მსჯავრით, რომელნიც გინშავენ შენ ცხოვნების გზასა? წაიღე ეს ჯვარი ზოლოგოთაზე, გაიარე გეთსამანიის ჯალში და შენ,



როდესაც დაინახავ იქ მაცხოვარს, მლოცველს ზეციური მამისადმი სისხლის ოფლითა, ილოცავ აგრეთვე შენც და იტყვი მასთან ერთად: «მამაო! არა ნება ჩემი, არამედ ნება შენი იყავნ (ლ. 22, 42); და შენც აგრეთვე გამოგეცხადება ზეციით გამხნე- ებელი ანგელოსი. იქნება შენი ჯვარი ხორციელია? იქნება შენ გაწუხებს ბოროტება და დევნა ქვეყნისა? იქნება შენ ითმენ წყენას და დევნას კაცთაგან. მა ჯვარს წაიღე გოლგოთაზე, დადექი იქ და ისმინე, რას უპასუხებს ჯვარცმული მაცხოვარი თავის ჯვარ- მტემელთა მათ გინებაზე და ლანძღვაზე: «მამაო! მიუტევე ამათ, რამეთუ არა იციან, რასა იქმან (ლ. 23, 34). როცა ამ სიტყვებს გაიგონებ, შენ მოიპყენებ და ჯვარი შეგომსუბუქდება შენ. იქნება დატვირთუ- ლი ხარ შენ ცოდვებით, იქნება სინილისი გაწუ- ხებს? ეს მიძიმე ტვირთიც მიიტანე ჯვართან და კეთილ- გონიერი ავაზაკისაებრ აღაზვენ თვალნი შენნი ჯვარ- ცმულისადმი და გულითადი სინანულით ლაღაღ-ჰყავ: მომიხსენე მე, უფალო, ოდეს მოხვიდე სუფევითა შენითა» (ლ. 23, 42),—და შენ გაიგონებ მისგან ნუგეშის ხმას, რომელიც აღვითქვამს შენ, არა თუ მოტყევებს, არამედ სასუფეველსა, სადაც მასთან ერთად უნდა ნეტარებდე: «ოდეს ჩემთანა იყო სამოთხესა შინა» (ლუკ. 23, 43). აი ზოგიერთი სა- ნუგეშო და საკეთილო მოქმედებანი, რომელნიც შეუძ- ლია მიიღოს კაცმა ჯვარზე ქადაგების ყურადღებით და გულითადი მოსმენით! შექველია, აქ არიან ისეთი ნეტარნი სულნიც, რომელნიც წინაშე ძრისტეს ჯვარისა მუხლ-მოდრეკილნი, ჰგრძნობენ თავიანთი მორ- წმუნე გულით უფლისა და მაცხოვრისა ჩვენისა ჯვარზე- ცმის ტანჯვათა და მისი აღდგომის ზეციურ დიდებასა, და რომელნიც, ჯვარისაგან გამხნეებულნი, მზად არიან დღითი დღე უფრო და უფრო დიდი ღვაწლი მიიღონ თავის-თავზე მარხვისა და სინანულისა, უმე- ტესი მშვიობობა იქონიონ მოყვასთა შორის, უფრო დიდი ნუგეში დი სიმტკიცე იგრძნონ მწუხარებასა და ჯავრში, უკეთესად შეიგნონ თავიანთი ზნეობითი მდგომარეობა და უფრო გულ-მოდგინედ შეუდგნენ თავიანთი თავის გასწორებას და განვითარებას.

ჯვარი არის დიდება ანგელოზთა და ლახვარი ეშმაკთა. ღიან, ჯვარია მშვენიერა თვით ზეცისა. და ანგელოზნი, სიტყვისაებრ ეკკლესიისა, ატარებენ პატი- ოსანსა ხესა, კრძალვით სდგანან გარეშე მისა და ყოველთა მორწმუნეთა მოუწოდებენ თაყვანისცემად. ანგელოზნი, რომელნიც აღიღებდენ უფალსა, ოდეს

იგი იშვა ქალწული მარიამისაგან, აღიღებდენ ამ ჯვარს მისსა, ვინაიღვან ხედდენ ჯვარზე კაცის ცხოვ- ნებას შესრულებულად. ეშმაკნი, ჩვენი ცხოვრების მტერნი, კაცთა წარმწყმენდელი ხითა განისმკვალებიან შიშითა, იმუსრებიან და უკუ იქცევიან, როდესაც ხედდენ ჯვარსა, რომლითაც აღედგინა, აღესრულა და აღიბეჭდა ჩვენი ცხოვრება. საკმაოა მოვიგონოთ ამას- თან წრფელის გულით და ღრმა მადლობით უფლი- სადმი, რომელმაც სიკვდილითა სიკვდილი დათურგნა. ზანვიმეოროთ ჩვენთვის სანუგეშო წმ. ეკკლესიის სავალაბელი, რომელმაც გარკვევით და ცხოვლად აღწერილია ტანჯვანი ჯოჯოხეთისა დამზობილის ჯვარის მიერ. «ჯოჯოხეთმა, იხილა რა გოლგოთაზე ჯვარი ცხოვრების—მომცემელისა, ხმა ჰყო ძალთა თვისთა, ვინ განმაწონა გულსა ჩემსა სამსკვალი, მყისსა შინა ძელისა ლახვარმან, განგმირა და განესტდები და შინაგანნი საცნობელნი ჩემნი მელმიან და მწარედ განვიღვევი, ვიშთვები სულითა და ვიმძღვარ- რები აღმოვდებად აღამისსა შეილითურთ, რომელნი მომეცნეს მე, სულისა მიერ ურჩებისა, ამათ ძელისა მიერ შეიყვანებს მხსნელი კვალად სამოთხედ».

ძრისტე ღმერთო, მაცხოვარო ჩვენი! შენ მოგვანიჭე ჩვენ ჯვარი თვისი პატიოსანი, შეწვენად, ზღუდეთ და სიმტკიცედ გზასა ზედა ჩვენსა სასუფეველსა შინა ცათასა. ჩვენ, მოციქულისაებრ, ვიქადით ჯვართა შენითა და გვედრებით შენ, რათა საშინელსა მჯავრსა შენსა მოგვანიჭო ჩვენ წყალობა და ცხოვ- ნება კაცთ-მოყვარებისა შენისა ამა ჯვარსა ქვეშე- აშინ.

მ ა ნ ც ხ ა დ ე მ ბ ა .

ჩემდამო რწმუნებულს ჯრუჭის მონასტერში (იმერეთის ეპარქიაშია) მე მოვიწვიე ზურიილამ კაცი, რომელმაც ზედ მიწვევით იცის საეკკლესიო გალობა, ამისათვის ამ მონასტერში მოუწოდებ ყველა მედავი- თნეთა და ყმაწვილ კაცთა, რომელთაც კი სურთ შეისწავლონ ჩვენი საეკკლესიო გალობა. ბალობის შესწავლის მსურველთ შეუძლიანთ აგრეთვე დახელოვნ- დენ საეკკლესიო წიგნების კითხვასა და ტიბიკონში. ბალობის და საეკკლესიო ტიბიკონის შესწავლის მსურველთ უნდა შემოიტანონ მონასტერში მარტო თავის სამყოფი საზრდო, ხოლო სწავლებისათვის ფუ- ლი არავის არ გადახდება. მსურველთ შეუძლიათ მომმართონ პირადად მე მონასტერში.

ჯრუჭის პირველ კლასის მონასტრის აჩქამანდწიტი სიმეონი.



მიიღება ხელის-მოწერა 1889 წლისათვის მრ-
კვირულ ზამოცემათა მართულს

„მ წ ე მ ს ი“



რუსულ «ПАСТЫРЬ»-ზედ

მიზანი და დანიშნულება გაზეთისა: 1) შეატყო-
ბინოს სამღვდლო და საერო წოდებას ყველა გან-
კარგულება და მოქმედება უმაღლესთა სასულიერო და
სახორციელო მართებლობათა, კონსისტორიათა და
მღვდელ-მთავართა; 2) გაავრცელოს ქართველ სასუ-
ლიერო წოდებაში და ხალხში სალიტერატურო სწავლა
და ცოდნა საეკლესიო და საზოგადოებრივი ცხოვ-
რების კითხვათა შესახებ; 3) გაავრცელოს საქართვე-
ლოს სამღვდლო და საერო წოდებაში სწავლა და
მეცნიერება ქრისტე იანობრივი კეთილ ზნეობისა და
სარწმუნოებისა და 4) აუხსნას და განუმარტოს
სამღვდლო და საეკლესიო მოსამსახურე პირთა ზო-
გიერთი საეკლესიო კითხვები, რომელთა ცოდნა მიუცი-
ლებელ საჭიროებებს შეადგენს მათთვის მტკიცედ მათი
მოვალეობის აღსრულებისათვის.

მიზანი და დანიშნულება რუსული გამოცემისა,
ზემოხსენებულის პროგრამის აღსრულების გარდა,
არის — 1) შეატყობინოს რუსეთის სასულიერო და
საერო წოდებას შინაარსი შესანიშნავ და საინტერე-
სო «მ წ ე მ ს ი»-ში დაბეჭდილ სტატიებისა; 2) გააც-
ნოს რუსეთის სასულიერო და საერო წოდებას სა-
ქართველო, ეს დაზოგებული კუთხე რუსეთის იმპე-
რიისა და საქართველოს სასულიერო და საერო წოდება

დება ქართული გამოცემის საშუალებით გააცნოს
რუსეთის სასულიერო მწერლობას და ხალხის ცხოვრე-
ბას.

ფასი გაზეთისა:

12 თვით «მ წ ე მ ს ი» 5 მ. | 6 თვით «მ წ ე მ ს ი» 3 მ.
— ,, ორივე გამოცემა 6 ,, — ,, ორივე გამოცემა 4 ,,
— ,, რუსული ,, 3 მ. | — ,, რუსული ,, 2 მ.

რედაქცია იმყოფება ქ. თბილისში სადოვის ქუჩაზე,
მარკაროვის სახლებში.

რედაქციას აქვს კანტორები: ქ. მუთაისში ხანა-
ნაშვილების სახლებში და დ. შერილაში რედაქტორის
საკუთარს სახლებში.

გაზეთზე ხელის-მოწერა შეიძლება როგორც
რედაქციაში, ისე კანტორებში.

ზარეშე მცხოვრებთა გაზეთის დაბარება შეუძლიათ
ამ ადრესით: Въ Квирилу, въ контору редакціи
„МЦКЕМСИ“ и «ПАСТЫРЬ».

შინაარსი: რედაქცია. ფურც. საქართ. საქსარსისა.
სა: მიწერილობა მართლ-მადიდებელის პალესტინის სა-
ზოგადოების თავს-მჯდომარისა საქართველოს ექსარ-
ხოსისადმი.— მუნ შეეშინა შიშისა, სადა იგი არა იყო
შიში.— «მ წ ე მ ს ი»-ს კორრესპონდენცია.— წერილი რე-
დაქტორთან.— სასაფლაო მეურნეობისა და მრეწველო-
ბის ნაწარმობათა გამოფენის პროგრამა.— ახალი ამბები
და შენიშვნები.— სიტყვა საქართველოს ექსარხოსის,
მთავარ-ეპისკოპოსის პალესტინის ჯვარის თავანის
მცემელობის კვირიაკეზე.— განცხადება.

რედაქტორი და გამომცემელი დეკ. დ. დამბაშიძე.

Доз. цензурою, 14 Марта 1889 г.
საკუთარი მსწრაფლ-მბეჭდავი რედაქციისა.